



L'Uniun Sport Amatoriala à tigni ai 17 de merz 2017 sũa reuniun generala anual. La reuniun generala é stada na ocajiun por cíarè zoruch al'ativité dl ann 2016 y por portè dant le program preodü por l'ann corënt. Gran punt sön l'ordin dla sêra è stada la protlamaziun dles lites dl comité.

Le president Alex Alton á danfora saludé i mēmbri che à tut pert ala reuniun por passè spo a tratè l'ordin dl dla sēra. Ala fin dl ann passè pò la uniun mostrè sō 143 scrić ite. Le scrivan dl'uniun Marco Castlunger é spo passè a la letūra dl protocol dl'ultima sentada.

An é spo passá al cunt consuntîf 2016 y dl bilanz de previjiun, gnūs aprovà al'unanimité cun alzada de man. Al é spo gnū ciarè zeruch l'ultim ann, vigni caposeziun à riferì sōn l'ativité, i resultać arjunć y le program dl dagnì. La seziun cun la maiú ativité é indò chēra dl jūch dl palé. Le caposeziun Michi Frenes à fat na picia introduziun y à fat na picera relaziun sōn i resultać y ativité dles scuadres di mituns y jogñ. N gran giulan ti va ai responsabili y geniturs por sò gran laûr, che se crūzia de alenè y acompagné i mituns a les partides. L'ativité cun i mituns, che rapresentēia le dagnì dl'uniun é tres stè n punt prinzipal dl l'ativité sportiva a La Val, nia ma pro le jūch dl palè mo ince pro la seziun lūsa y l'ativité de arpizé, de consequēza vëgnel dè gran pëis a chēsc punt. Da alzè fora è in chēsc ann le bun secundo post d'altonn dl campionat de 3 categoria. Mensioné él ince sté l'europeada tignida tratan le mēis de messé te Südtirol, daulache ince 4 sogadus da La Val à tut pert. Les scuadres che tōl pert ai campionac FIGC y VSS tratan la sajun 2016/17 é bëgn 8, cun la novité dl'U8, daulache al s'á formé n bel grup de pici sogadus, cun l'alenedēssa Moling Monica a cé. Ales scuadres di campionać daulache al süga sogadus da La Val i vëgnel fat les miūs aodanzes por n bun campionat de retüda. Le A.C. Chievo Verona Summer Camp è ince rové a sūa secunda ediziun, tignì amez messé a La Val. Grana é stada la partezipaziun cun plö de 50 mituns da vigni pert dla valada. L'iniziativa é garatada y porchël él bel fissé ince por l'isté 2017 en camp.

Pro les ativitēs desvalies él gnū portè dant da pèrt dla responsabla Monica Ploner i cursc organisá. Dēr aprijá é gnūs i cursc por mituns organisá tl'ann 2016, danter i atri le curs de schi, da nudè, ginastica artistica y funziunala, le program sportîf da d'isté y la novità dl curs dla lūsa. Düc i cursc è gnūs tignis y organisá en colaboraziun cun la Scora de Schi Dolomites, Simon Dapoz, Alex Verginer, Davide Moling, Tschaffert Diego, Gentilini Federica y Comploi Sara. Sce an ciara zeruch ai ultims agn pon udei sciöche chisc cursc vëgn tres deplö chiris, ruvan al numer de partezipanc tratan le 2016 a 207. L'Uniun se cruziarà sambëgn ince tl 2017 de organisé cursc desvalies.

Pro la seziun dla lūsa él gnū portè dant i punc prinzipai dl'ativité. Responsabli dla seziun é Diego Tschaffert adüm a Carlo Miribung y Merch Vallazza. A tó la parora é Diego Tschaffert che po' mostrè sō adüm a düta la seziun i bugn plazamēnc di alteć dla squadra da La Val tratan la sajun 2016/17. Sciöche ultima gara dla sajun è la seziun lūsa da La Val che à albü l'onur de ospité la finala de Südtirolcup sōn la pista "Do Juvel" a Longiarü. La premiaziun y festa è spo jüda inant tl salf dles uniuns da La Val. Cun gran plajëi pon ince udëi sciöche i atlec plö jogñ vëgn do ca cun na gran motivaziun, bele te chēsta sajun él un o l'ater che à podü ciarcé les competiziuns tradizionales. N gran giulan ti va dal' atra pèrt ai organisadûs y ai acompagnadûs dla seziun, che cun sò gran laûr y sostëgn dà dessigü n gran contribut a tignì alâlt le sport dla

lūsa a La Val. L'ultim fin dl'edma, ai 12 de merz è gnü organisé la gara de schi alpinism sön Armentara, por recordé i jogn Alexander Ellecosta e Manuel Moling. A gauja dla pücia nei ne éra nia jüda de arjigné ca la pista dla lūsa. Cun en cil sarëgn y bun cialt è la festa dessigü garatada.

Gran evënt tratan le 2016 è dessigü sté la cumpra de n secundo pulmin, por organisé miú le trasport di i mituns dles scuadres y dla lūsa fora por düt l'ann. Inplö él ince gnü arjigné en nü vistimënt por la gran squadra y la squadra di Altherren. Por curi i cosc él gnü organisé na lotaria damané do n aiüt finanziair ales dites dl paisc y ince defora, a chisc n gran giulan!

Portè dant él ince gnü i laurs de manutenziun ala plaza sportiva ia n Plans. Por i dui pulmins él gnü costruì na tetoia, por porvé de prevení l'infiltraziun dl'ega ti magazinns dessot él gnü sostituì les grates por l'ega, le comun a metü a disposiziun en tractor y na pursona por delibré la nëi dal ciamp d'invern, le tractor atual ne é nia plö sté meso cuncé sö. L'iluminaziun dl ciamp da jüch ne vëgn nia plö omologada, les lümes mëss gnì sostituides.

Pro i ultims punc él ciamó gnü presenté le proiet por la revalutaziun dla zona sportiva "Plans", la picia prejentaziun pon ciafé a chesc linch: [revalutaziun zona "Plans"](#)

Ala reuniun é ince stè presënc l'Ombolt Angel Miribung y Vize Ombolt Fellix Dapoz da La Val che à tignì n discurs sön l'ativité dla uniun y à alzè fora l'importanza dl'ativité sportiva. Ai à ringrazié i funzionars dla uniun por le laûr y por le impëgn demostrè. I complimënc al fat deperpo ales scaudres dl palè y ai bugn resultaé arjuné da pert di atlec dla lūsa. Por ci che reverda la cumpra de aparaé de pröm aiüt al aprofondi l'argomënt y sotrissé. Le presidënt à tut l'ocajun por ringrazié le ombolt por le sostëgn finanziair che vëgn vigni ann conzedü da pêrt dl comun ala uniun.

Cun la reuniun generala él ince gnü tut l'ocajun por surandé val reconescënza a sogadus y mëmbri dl comité che por miric à dassënn contribuì al'ativité sportiva da La Val, chilò dessot i mëmbri onorà:

INOM

AGN

Klaus Rubatscher

mëmber dl comité

9

Fabian Sottara

mëmber dl comité

9

Michael Frenes

prüma squadra

14

Schuen Davide

prüma squadra

10

Vallazza Merch

prüma squadra

14

Frenes Daniel

prüma squadra

10

Rubatscher Romeo

prüma squadra

18

Alton Ivan

prüma squadra

11

Alton Alex

prüma squadra

19

Sciöche ultim punt dla serada é stada la protlamaziun dles lites dl comité, che arà le compit de aministré l'uniun por i proscimi 3 agn. Plö inant gnarà spo prejentè le comité nù.

Cun le discurs dl'ombolt s'à stlüt jö la reuniun anualala dl'Uniun dl Sport La Val, dedo é ciamò düc stà adüm pro val da mangé y da bëre. N bel giulan a düc i presënc y a proscim ann!

Por ciarè ala prejentaziun drüca sön le linch injuntè: [prejentaziun](#)









